

ХӨӨЧ — ТООМСРТА КҮН

Халымг республикиг Ленинā орденār ачллгын мана комсомольск болн комсомол биш багъчудин бригадт ик гидг өргмдж өгв. Энүг, мана республикин хөөчнрин, үкрчнрин, саальчнрин, селāнā эдл-ахун специалистнрин болн цуг күүч-көлсчнрин көдлмшт икл өөдāн чинр өглгын гидж тоолдж, мана бригад хāлāджāсн хөөдāн улм сāанār асрдж, таслл уга ундинь хārүүлх усарнь теткдж, нөдлмшин сāн үзмдж үзүлдж йовна.

Бидн, нидн джилā иргүд хāлāдж хārүлджāнāвдн. Мана бригадин комсомольцнр үүрмүд Борис Эрдниев болн Яков Гашунов хойр, үнн седклāн тāвдж, икār шундж көдлджāнā. Эн джил мана хөөчнр ирг болгънас, авсн даалгъвр деерāн немдж, 900 грамм ноос киргъдж авб.

Коммунистическ күүч-көлснā бригадин нер зүүхмн гидж, мана бригад чидлāн арвлл уга, ни-ни-цнъгү көдлдж, сāн үзмджтāгъār үвлин белдвр кедж, эврāннь чидлārн, өөдāн чинртāгъār хаша-хаацан ясвдн. Цуг хөөдтāн үвлин туршарт күүрх хот белдвдн.

Эн шишлнь эврāннь көдлмшāс талдан, олна төрт чигн би орлцнав. Шидр болсн комсомолин Яшкульск районн конференц деер, шин пленумин болн райкомин бюрон членд болн комсомолин Таньгъчин конференцин делегатд намаг сунъгъв. Эн тоотиг бийдāн ик даалгъвр гидж тоолдж, олна малин то икдүүлдж өскхд улм икār шундж би көдлнāв.

Нүүрин малчнрин дамшлт тархалгъна, комсомолин района комисс бүрдāгдснд член болдж, мана района малчнр дунд цāалгъврин ик көдлмш кеджāнāвдн, хөөч күн тоомсрта күн. Эн сāн нериг хārүүлхин төлā, эврāннь көдлмшāн үзмджтā сāанār күүцāгъād, олна көдлмшт бас шунлтта кевār орлцхмн.

СССР-н Министрмүдин Советин ахлач үр Н. С. Хрущев Америкин Соединенн Штатс орад, дāн-даджг угагъар, төвкнүн бāйлгънā тускар болн нарт делкāн орн-нутгудин хоорндк чинвртā бāядлиг сулдххин тускар, күүндвр келгъиг, мана бригадин члед икār таасдж, цааранднь улм сāанār көдлх болдж үгāн өгчāнā.

Эн үгāн үзмджтā кевār күүцāхин төлā, хоорндан социалистическ дөрлдā делгрүүлдж, бидн зүүткдж йовнавдн.

ГАСУНОВ Иван,

Яшкульск района «Кировский» совхозин ах хөөч.